



OPA US EMBASSY
SARAJEVO
OFFICE OF PUBLIC AFFAIRS

Tel: +387 (33) 704-000
Fax: +387 (33) 704-432
E-mail: bhopa@state.gov
Web Page: <http://sarajevo.usembassy.gov>

1 Robert C. Frasure Street, 71000 Sarajevo, Bosnia and Herzegovina

Pregled programa akademskih razmjena
Ureda za odnose sa javnošću, Američke ambasade u Sarajevu
Za akademsku godinu 2012-2013

http://www.sarajevo.usembassy.gov/educational_exchanges.html

Fulbright Student Program; ovo je devetomjesečna međunarodna stipendija koju dodjeljuje Stejt Dipartment svima zainteresiranima koji u vrijeme apliciranja rade na sticanju svojih magistarskih ili doktorskih diploma u BiH. Stipendija omogućava sve potrebne uslove za nesmetan istraživački rad za svo vrijeme boravka stipendista u SAD-u. Stipendistima se pruža jedinstvena prilika da: izgrade nove profesionalne kontakte iz svog dotičnog polja djelovanja; unaprijede svoj naučno istraživački rad; steknu jedinstveno međunarodno iskustvo kao i da se lično usavršavaju i izgrađuju.

Krajnji rok za prijavu: 01. 08. 2011.

Fulbright Visiting Scholar Program je stipendija koja omogućava posjetu naučnika iz cijelog svijeta u Sjedinjene Države na jednu akademsku godinu profesionalnog istraživanja sa ciljem povećanja međusobnog razumijevanja među ljudima iz Sjedinjenih Država i onih koji dolaze iz drugih zemalja i kultura. Kandidati moraju posjedovati doktorsku diplomu i biti spremni da služe kao mali ambasadori svoje zemlje i kulture.

Krajnji rok za prijavu: 01. 11. 2011.

Fulbright Science and Technology Program: od svih stipendija, predstavlja najprestižniju stipendiju američke vlade s polja nauke i tehnologije. Stipendisti dobijaju mogućnost trogodišnjeg studija i sticanje zvanja doktora nauka na najjačim biranim univerzitetima u Americi.

Krajnji rok za prijavu: 01. 04. 2011.

Fulbright Visiting Specialist Program: Naučnici i praktičari sa dokazanim vrhunskim rezultatima u svojim akademskim, profesionalnim i društvenim poljima se pozivaju u Sjedinjene Države na boravak u trajanju od 3 do 6 nedjelja intenzivne nastave, predavanja i javnog obraćanja na odabranim višim školama i univerzitetima u Americi. Učesnike za ovaj program poziva ambasada.

Hubert H. Humphrey Program: ovo je jednogodišnja stipendija u trajanju od deset mjeseci usmjerena ka daljnjem profesionalnom usavršavanju sa akademskog i praktičnog aspekta. Stipendija nudi mogućnost kombiniranja praćenja posebnih stručnih seminara, predavanja na

univerzitetu, rad na konkretnim pojedinačnim projektima, učešće u profesionalnim seminarima, terenske posjete i mogućnost konsultacija sa američkim univerzitetskim predavačima i ekspertima.

Krajni rok za prijavu: 01. 09. 2011.

Junior Faculty Development Program (JFDP): stipendija koja omogućava nastavnom kadru (profesorima, asistentima i saradnicima) koji radi pri BiH univerzitetima, boravak u trajanju od jednog semestra na univerzitetima u Sjedinjenim Državama kako bi iz prve ruke iskusili praksu održavanja predavanja i izrade i razvoja nastavnih planova i programa. JFDP stipendisti imaju priliku da promatraju način održavanja predavanja na vodećim američkim univerzitetima, učestvuju u profesionalnim konferencijama i seminarima te da sami prođu kroz praktični dio ovog programa stipendije, a na svom polju djelovanja.

Krajni rok za prijavu: 20. 06. 2011.

Study of the United States Institutes for Scholars (SUSI): Stipendije namjenjene za univerzitetske predavače kroz učešće u kratkim ljetnim institutima izučavanja Sjedinjenih Država predstavljaju jedan intezivan post diplomski akademski program sa uključenim studijskim putovanjima čija je svrha da se međunarodnim stranim univerzitetskim predavačima i drugim naučnicima pruži mogućnost da prodube svoje razumijevanje američkog društva, kulture i njenih institucija. Učesnike za ovaj program poziva i preporučuje ambasada.

Youth Exchange and Study Program (YES): „YES“ jednogodišnja stipendija američke vlade, predstavlja novi srednjoškolski program razmjene koji omogućava odlazak i boravak 15 probranih učenika iz probranih srednjih škola iz BiH u Sjedinjenim Državama. Srednjoškolci iz BiH pohađaju američke srednje škole i žive u američkim porodicama. „YES“ stipendija za srednjoškolce predstavlja jedinstven način za mlade ljude da uče o američkoj kulturi i Americi, te u isto vrijeme pomažu u educiranju Amerikanaca o kulturi i zemlji iz koje dolaze. Krajni rok za prijavu: kontaktirajte Američko vijeće (American Councils) u augustu 2011 kako bi saznali tačne datume testiranja koje se odvija u prostorijama Američkog vijeća a testiranje je obično u oktobru.

Youth Leadership Program (YLP): Youth Leadership Program je stipendija koja obuhvaća šestomjesečni program sastavljen od tri različita segmenta treninga ili učenja: 1. program pripreme pred polazak za Ameriku, tzv. orijentacijski program, koji se održava u Sarajevu; 2. Program boravka u trajanju od četiri nedelje u Americi koji grupi od pažljivo odabranih 18 učenika i njihova 3 srednjoškolska nastavnika nudi mogućnost istraživanja principa vodstva i rokovođenja u zajednici kao i društvenog aktivizma u Sjedinjenim Američkim Državama; 3. Program u trajanju od četiri mjeseca tokom kojeg YLP stipendisti rade na određenom projektu u svojim gradovima a po povratku iz SAD-a. Učesnike za učešće u ovom programu stipendije YLP poziva ambasada. Krajni rok za prijavu: kraj novembra 2011.

Za više informacija kontaktirajte

Paša Lejlić, Koorinator akademske razmjene, Američka ambasada u Sarajevu

Lejlicp@state.gov ili na telefon 033-704-066